



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՖԻՆԱՆՍՆԵՐԻ  
Ն Ա Խ Ա Ր Ա Ր

ՀՐԱՄԱՆ

< 03 > օգոստոսի 2017թ. N 397 - Ն

ԳՆՈՒՄՆԵՐԻ ՀԱՄԱԿԱՐԳՈՂԻ ՈՐԱԿԱՎՈՐՄԱՆ ՇՆՈՐՀՄԱՆ ՔՆՆՈՒԹՅՈՒՆ  
ԿԱԶՄԱԿԵՐՊՈՂ ԵՎ ԱՆՑԿԱՑՆՈՂ ՀԱՆՁՆԱԺՈՂՈՎ ՍՏԵՂԾԵԼՈՒ, ՀԱՆՁՆԱԺՈՂՈՎԻ  
ԿԱԶՄՆ ՈՒ ԳՈՐԾՈՒՆԵՈՒԹՅԱՆ ԿԱՐԳԸ ՀԱՍՏԱՏԵԼՈՒ ՄԱՍԻՆ

Հիմք ընդունելով «Գնումների մասին» Հայաստանի Հանրապետության օրենքի 16-րդ հոդվածի 2-րդ մասի 3-րդ կետը և Հայաստանի Հանրապետության կառավարության 2017 թվականի հունիսի 29-ի N 759-Ն որոշման հավելվածի 5-րդ կետը՝

ՀՐԱՄԱՅՈՒՄ ԵՄ

1. Ստեղծել գնումների համակարգողի որակավորման շնորհման քննություն կազմակերպող և անցկացնող հանձնաժողով (այսուհետ՝ Հանձնաժողով):
2. Հաստատել՝
  - 1) Հանձնաժողովի կազմը՝ համաձայն հավելված N 1-ի
  - 2) Հանձնաժողովի գործունեության կարգը՝ համաձայն հավելված N 2-ի
3. Սույն հրամանն ուժի մեջ է մտնում ստորագրման պահից:

Վ. ԱՐԱՄՅԱՆ

**ԿԱԶՄ**  
**ԳՆՈՒՄՆԵՐԻ ՀԱՄԱԿԱՐԳՈՂԻ ՈՐԱԿԱՎՈՐՄԱՆ ՇՆՈՐՀՄԱՆ**  
**ՔՆՆՈՒԹՅՈՒՆ ԿԱԶՄԱԿԵՐՊՈՂ ԵՎ ԱՆՑԿԱՑՆՈՂ ՀԱՆՁՆԱԺՈՂՎԻ**

- Արթուր Բաղդասարյան - ՀՀ ֆինանսների նախարարության աշխատակազմի պետական գնումների գործընթացի համակարգման վարչության գնումների գործընթացի համակարգման բաժնի պետ (հանձնաժողովի նախագահ)
- Հեղինե Զաղինյան - ՀՀ ֆինանսների նախարարության աշխատակազմի հանրային ֆինանսների կառավարման մեթոդաբանության վարչության գնումների գործընթացի կարգավորման բաժնի գլխավոր մասնագետ (հանձնաժողովի անդամ)
- Ինեսա Քոչարյան - ՀՀ ֆինանսների նախարարության աշխատակազմի պետական գնումների գործընթացի համակարգման վարչության գնումների գործընթացի համակարգման բաժնի գլխավոր մասնագետ (հանձնաժողովի անդամ - քարտուղար)

**ԿԱՐԳ  
ԳՆՈՒՄՆԵՐԻ ՀԱՄԱԿԱՐԳՈՂԻ ՈՐԱԿԱՎՈՐՄԱՆ ՇՆՈՐՀՄԱՆ  
ՔՆՆՈՒԹՅՈՒՆ ԿԱԶՄԱԿԵՐՊՈՂ ԵՎ ԱՆՑԿԱՑՆՈՂ  
ՀԱՆՁՆԱԺՈՂՎԻ ԳՈՐԾՈՒՆԵՈՒԹՅԱՆ**

**I. ԸՆԴՀԱՆՈՒՐ ԴՐՈՒՅԹՆԵՐ**

1. Սույն կարգով սահմանվում են գնումների համակարգողի որակավորման շնորհման քննություն կազմակերպող և անցկացնող հանձնաժողովի (այսուհետ՝ Հանձնաժողով) գործունեության հետ կապված հարաբերությունները:

**II. ՀԱՆՁՆԱԺՈՂՎԻ ԳՈՐԾՈՒՆԵՈՒԹՅԱՆ ԿԱՐԳԸ**

2. Գնումների համակարգողի որակավորման շնորհման քննության կազմակերպումն ու անցկացումը հանձնաժողովն իրականացնում է Հայաստանի Հանրապետության կառավարության 2017թ. Հունիսի 29-ի N 759-Ն որոշմամբ հաստատված «Գնումների համակարգողների որակավորման շնորհման և նրանց շարունակական մասնագիտական վերապատրաստման» կարգով (այսուհետ՝ Կարգ) սահմանված պայմաններով, ինչպես նաև սույն կարգով:

3. Հանձնաժողովի նախագահն իրականացնում է ընթացիկ հսկողություն հանձնաժողովի գործունեության նկատմամբ և հանձնաժողովի մյուս անդամների հետ ստորագրում Կարգի 16-րդ և 18-րդ կետերով նախատեսված արձանագրությունները:

4. Հանձնաժողովի նախագահի բացակայության դեպքում նրան փոխարինում է ըստ հանձնաժողովի կազմում ընդգրկման առաջնահերթության նախագահի թեկնածուից հետո նշված՝ նիստին ներկա հաջորդող թեկնածուն, իսկ քարտուղարի բացակայության դեպքում նրան փոխարինում է հանձնաժողովի այլ անդամ՝ նախագահի հանձնարարությամբ:

5. Հանձնաժողովի անդամների առնվազն երկու երրորդի բացակայության դեպքում քննությունը հետաձգվում է, և մինչև հաջորդող աշխատանքային օրը տեղեկագրում տեղեկատվություն է հրապարակվում քննության անցկացման նոր ժամկետի մասին, որը չի կարող լինել ուշ, քան տեղեկատվությունը հրապարակվելուն հաջորդող երկրորդ աշխատանքային օրը: